

答辯大會問答-回應

問:部分來自Stellar嘅成員點解唔負責返同一個崗位?係咪做得唔好。

答:多謝同學嘅提問!因為來自Stellar嘅成員於上個學年嘗試過某個崗位之後,今年想有新嘅突破,所以挑戰其他職位!而呢幾位成員去年亦有了解到內閣其他成員擔任嘅職務同埋目睹遇到嘅問題,亦知道如何處理同handle,所以我哋Apricot嘅其他成員亦都相信佢哋可以勝任新嘅職務!唔該~👧👦

問:可唔可以現場講下聯校名單?

答:多謝同學嘅提問!我哋嘅聯校名單已經放咗喺story highlight「聯校活動」同學可以隨時揸入去查看~唔該!👧👦

問:出MBTI活動post係8月31日,但Puzzle

8月12日已經出晒成員介紹,介紹post證明每人嘅mbti,想問你哋有冇抄襲puzzle賣點?

答:多謝同學嘅提問!我閣在此澄清,抄襲puzzle賣點一事並不屬實!!我閣於7月15號就已經同學生會負責老師商討過舉辦「MBTI之誰是臥底」事宜並確認相關詳細內容!而且,我閣所有活動嘅構思都係基於我地嘅理念同埋想法,並不存在任何抄襲嘅情況!唔該~👧👦

問:想請問除了以上你們所說的活動之外,你們還會舉辦什麼活動?

答:多謝同學嘅提問!我閣舉辦嘅活動涵蓋各方面同類型,例如 MBTI之誰是臥底、K-pop濃度大比拼、腦力大考驗等,另外我哋都會舉辦唔同節慶活動俾大家參加!所有活動詳情同學可以留意返我哋ig account嘅活動posts或者linktree入面嘅活動總匯類別!唔該👧👦

問:想問上年有參與Stellar事務嘅成員,你覺得上年學生會做得唔好嘅地方喺邊?除咗因為係補選之外,點解會做成咁?你哋又點保證解決到上述問題?定還是你哋覺得Stellar已經做得好好?

答:多謝同學嘅提問!首先,對於stellar做得唔理想嘅方面,我閣相關成員覺得所有嘢都準備得太匆忙,冇諗得好周詳,成員嘅溝通方面亦未如理想,呢啲都令同學有好多唔方便嘅地方,我閣相關幹事對此感到十分抱歉🙏🙏🙏🙏

其次,我閣認為正正因為知道過去一年stellar好多方面都做得唔好,所以先想再次參選!而由於舊年試過、喺唔同方面都撞過板,今年就可以避免再犯同樣嘅錯誤,保證解決上述嘅問題!!我閣相關成員都希望可以有機會彌補過錯,同時都俾同學見證我閣相關成員嘅成長



最後,我閣相關成員亦相信過往一年嘅失誤令stellar未能成為值得大家讚賞嘅學生會,但都從中學識咗好多嘢,而呢啲都對Apricot更好嘅運作有一定嘅幫助!唔該👧👦

問:Stellar今年做得唔好,來自Stellar嘅成員有冇反省點改善?

答:多謝同學嘅提問！我閣相關嘅成員對於喺stellar中做得唔好嘅地方已作出相對嘅改善～例如 對於stellar嘅好多方面都有準備不充份嘅問題，我閣嘅運作設有一個詳細計劃表，更係構思活動或作出行動時準備好後備方案，從而確保運作順暢！唔該～👧👦

問:請問你哋會否向學校反映增設男子排球？

答:多謝同學嘅意見！如果我閣有幸當選，將會向負責老師反映👏 唔該！👧👦

問:你哋點樣反饋學生嘅意見？

答:多謝同學嘅提問～首先我閣好感謝，都十分願意接收嚟自任何同學嘅意見，同學寶貴嘅提議一直促進我閣不斷完善我閣事務！喺得知同學嘅睇法後，我閣會同相關負責嘅成員溝通，考慮作出什麼改變/改善，並通過ig或者linktree中「提問/意見收集」一檔案回應同學嘅提議！最後，我閣會積極採納各類意見，作出改善，期望為各位同學帶來更好嘅活動同福利！唔該～👧👦

問:男宣傳幹事喺Stellar活動宣傳當中讀錯活動名，點解你哋有信心比佢再次做宣傳幹事？

答:感謝同學提問！我閣男宣傳幹事先為喺去年宣傳活動期間造成不便道歉👧👦 該幹事經過舊年嘅數次宣傳活動後，現已累積一定經驗，都一直在努力準備，避免再次犯相同問題，所以我閣都相信佢今年可以勝任宣傳呢個職位！希望可以俾大家見證到幹事嘅成長～ 唔該！👧👦

問:你們主張的「解憂雜貨店」是聆聽同學心聲。但是若同學因信任你們會保密，而告訴你們自己想自殺的心聲，你們會轉告社工嗎？

答:感謝同學提問！「解憂雜貨店」旨在比各位同學一個機會講出心中情感，將心入邊嘅壓力釋放出嚟，而我閣成員亦都會真摯地傾聽同埋幫助同學！不過我閣在此聲明如果投稿內容事態嚴重，例如係問題所講嘅自殺，我閣會轉告校方同社工!!

憑學生會嘅責任同能力難以處理同學生命嘅問題，而我閣亦非常重視每一位同學，絕唔提倡傷害自己及他人嘅行為，因此呢種情況下我閣認為有必要轉介校方同社工，都希望可以通過校方及我校社工幫助學生解決問題，同同學一齊度過難關，唔該👧👦

問:會唔會參考Puzzle標明獨家福利令同學更了解真正由你哋提供嘅福利。

答:感謝同學意見！冇問題！我閣會盡快確認返相關福利並更新內容！唔該👧👦